

«АЛМАТЫ ҚАЛАСЫ ЭКОНОМИКА ЖӘНЕ ҚАРЖЫ БАСҚАРМАСЫ»

КОММУНАЛДЫҚ МЕМЛЕКЕТТІК МЕКЕМЕСІ

«БЕКІТІЛГЕН»

**Алматы қаласы Экономика
және қаржы басқармасы**

басшысының міндетін

уақытша атқарушы

Е. Әмірғалиев

2025 ж.



**Алматы қаласы Экономика және қаржы басқармасы
Бюджеттік инвестицияларды жоспарлау және мемлекеттік-жекешелік
әріптестік бөлімі туралы
ЕРЕЖЕ**

Алматы қаласы Экономика және қаржы
басқармасы басшысының
міндетін уақытша атқарушының
2025 жылғы «23» қыркүйектегі
№ 1-ққ бұйрығына __ қосымша

Бюджеттік инвестициялар және мемлекеттік-жекешелік әріптестік бөлімі туралы ЕРЕЖЕ

1. Жалпы ережелер

1. Бюджеттік инвестициялар және мемлекеттік-жекешелік әріптестік бөлімі (*әрі қарай – Бөлім*) Алматы қаласы Экономика және қаржы басқармасының (*әрі қарай – Басқарма*) құрылымдық бөлімшесі болып табылады.

2. Бөлім өз қызметінде Қазақстан Республикасының Конституциясын, Қазақстан Республикасы Президентінің Жарлықтары мен өзге де актілерін, Қазақстан Республикасының заңдарын, Қазақстан Республикасы Үкіметінің қаулыларын, Алматы қаласы мәслихатының шешімдерін, Алматы қаласы әкімінің шешімдері мен өкімдерін, өзге де нормативтік құқықтық актілерді, «Мемлекеттік қызмет туралы» Қазақстан Республикасының Заңын, басқару туралы Ережені, сондай-ақ осы Ережені басшылыққа алады.

3. Бөлімнің құрылымын, штат санын Қазақстан Республикасының заңнамасында белгіленген тәртіппен Басқарма басшысы бекітеді.

4. Бөлім келесі құрамнан тұрады:

- 1) бөлім басшысы;
- 2) бас маман;
- 3) бас маман;
- 4) бас маман.

2. Бөлімнің негізгі міндеттері мен функциялары, құқықтары мен міндеттері

5. Міндеті: мемлекеттік инвестициялық жобаларды жоспарлау және қарау.
Функциялар:

1) бюджеттік бағдарламалар әкімшілерінің мемлекеттік инвестициялық жобаларының инвестициялық ұсыныстарына экономикалық қорытындылар дайындау;

2) жергілікті атқарушы орган айқындаған заңды тұлғаның экономикалық сараптамаларының қорытындылары негізінде бюджеттік инвестициялық жобалардың техникалық-экономикалық негіздемелеріне және бюджеттік инвестициялардың қаржылық-экономикалық негіздемелеріне экономикалық қорытындыларды қарау және дайындау;

3) бюджеттік инвестициялық жобалардың құнын өзгерту мәселелерін шығару жөніндегі құжаттар топтамасын қарау;

4) жергілікті атқарушы орган айқындаған заңды тұлғаның мемлекеттік инвестициялық жобасының құжаттамасын экономикалық сараптамаға тарту;

6. Міндеті: мемлекеттік-жекешелік әріптестіктің жергілікті жобаларын іске асыруды жоспарлау және мониторингтеу.

Функциялар:

1) мемлекеттік-жекешелік әріптестік жобаларын іске асыру бойынша салааралық үйлестіруді және әдіснамалық сүйемелдеуді жүзеге асыру;

2) жеке бастаманы іске асыру шеңберінде конкурстық құжаттаманың ақпараттық парақтарына экономикалық қорытындылар дайындау;

3) жергілікті атқарушы орган айқындайтын заңды тұлғалардың экономикалық сараптамалары негізінде мемлекеттік-жекешелік әріптестік жобаларының конкурстық құжаттамасына экономикалық қорытындылар дайындау;

4) Жергілікті атқарушы орган айқындаған заңды тұлғаның мемлекеттік-жекешелік әріптестігі жобаларының конкурстық құжаттамасын экономикалық сараптамаға тарту;

5) мемлекеттік-жекешелік әріптестік жобаларын іске асыру жөніндегі ұсыныстарды қалыптастыру үшін әлеуметтік-экономикалық міндеттер тізбесін қалыптастыру және жариялау;

6) мемлекеттік міндеттемелерді және бюджеттен төленетін төлемдерді өтеу кестесін ескере отырып, мемлекеттік-жекешелік әріптестік жобалары бойынша бюджеттік бағдарламалар әкімшілерінің ақпарат жинағы;

7) мемлекеттік-жекешелік әріптестікті дамыту орталығына бағалау жүргізу үшін мемлекеттік-жекешелік әріптестіктің жергілікті жобаларын іске асыру мониторингі бойынша ақпарат беру.

8) мемлекеттік-жекешелік әріптестік жобалары бойынша мемлекеттік міндеттемелерді қабылдау мәселесін, жобаларды консультациялық сүйемелдеу бойынша қызметтер көрсетуге қорытындылар бюджеттік комиссияның қарауына шығару.

9) жеке және заңды тұлғалар өкілдерінің өтініштерін, петицияларды Қазақстан Республикасының қолданыстағы заңнамасында көзделген тәртіппен қарау;

10) өтініштерді талдау және Қазақстан Республикасының қолданыстағы заңнамасында көзделген тәртіппен өтініш берушілер көтеретін жүйелі проблемаларды анықтау.

7. Құқықтары мен міндеттері:

1) Бюджеттік инвестициялар мен мемлекеттік-жекешелік әріптестік жобаларын жоспарлау және қарау үшін белгіленген тәртіппен Алматы қаласы әкімі аппаратының бөлімдерін, құрылымдық бөлімшелерін, өңірдің ұйымдарын, мекемелері мен кәсіпорындарын тартуға;

2) бөлімнің құзыретіне жататын мәселелер бойынша қалалық және аудандық атқарушы билік органдарынан, кәсіпорындар мен ұйымдардан белгіленген тәртіппен материалдар сұратуға және алуға;

3) Басқарма басшылығының қарауына Бөлімнің құзыретіне жататын мәселелер бойынша ұсыныстар енгізуге;

4) мемлекеттік және еңбек тәртібін, қызметтік әдеп нормаларын сақтауға міндетті;

5) Қазақстан Республикасының қолданыстағы заңнамасында көзделген өзге де құқықтар мен міндеттер.

3. Бөлімнің қызметін ұйымдастыру

8. Бөлім заңнамалық актілерге, Қазақстан Республикасының Президенті мен Үкіметінің актілеріне, Қазақстан Республикасының өзге де нормативтік құқықтық актілеріне сәйкес оның негізгі міндеттері мен функцияларын іске асыру үшін қажетті өкілеттіктерге ие.

9. Бөлімді Қазақстан Республикасының заңнамасында белгіленген тәртіппен Басқарма басшысы қызметке тағайындайтын және қызметтен босататын басшы басқарады.

10. Бөлім басшысы бөлімнің қызметіне жалпы басшылықты жүзеге асырады және Бөлімге жүктелген міндеттердің орындалуына және оның өз функцияларын жүзеге асыруына дербес жауапты болады.

11. Бөлім басшысы болмаған уақытта (іссапар, демалыс, оқу, ауру) оны өзара алмастырушылықты ескере отырып, бөлімнің бас маманы алмастырады.

12. Бөлімнің бас маманы уақытша болмаған жағдайда (іссапар, демалыс, оқу, ауру) оның міндеттері Басқарма басшылығының қалауы бойынша басқа бас маманға не Бөлім басшысына уақытша жүктеледі.

13. Бөлім құзыретіне кіретін мәселелер бойынша бөлімнен басқа бөлімдерге жіберілетін құжаттарға басшы, ал болмаған жағдайда – бас маман қол қояды.

Таныстым:

Бөлім басшысы: Ауелбеков Н.Н. [қолжазба]

Бас маман: Тламидинов Н.М. [қолжазба]

Бас маман: _____

Бас маман: _____

[қолжазба]